

- 1' Wer vff syn frumkeyt halt alleyn
- 2' Vnd ander vrteylt böß vnd kleyn
- 3' Der stoßt sich offt an hertte steyn



Der ander lut vrteilt.

- 1 Der ist eyn narr der sich vertröst
- 2 Vff won / vnd meynt er sig der größt
- 3 Vnd weiß nit das jn eyner stund
- 4 Syn sel fert dieff jn hellen grund

2' vrteylt *GW5046 GW5047*] vrtelt *GW5041*

5 Aber den trost hat yeder narr
 6 Er meynt nit syn der nächst der far
 7 Wann er schon ander sterben sicht
 8 Bald hat eyn vrsach er erdicht
 9 Vnd kan sagen / der dett also /
 10 Der was zů wild / der selttten fro
 11 Der hat diß / vnd der jhens gethan
 12 Dar vmb hatt jn gott sterben lan
 13 Vnd vrteilt eyne noch sym tod
 14 Der villicht ist jn gotts gnod
 15 So er jn grössern sünden lebt
 16 Wider gott vnd syn nächsten strebt
 17 Vnd forcht dar vmb nit stroff noch büß
 18 Vnd weiß doch / das er sterben muß
 19 Wo / wenn / vnd wie / ist jm nit kundt
 20 Biß das die sel fert vß dem mundt
 21 Doch gloubt er nit das sy eyn hell
 22 Biß er hyn jn kumbt über die schwell
 23 So würt jn denn der synn vff gan
 24 So sie jn mitt der flammen stan
 25 Eyn yeden dunckt syn leben gůt
 26 Alleyn das hertz gott kennen dūt
 27 Für böß schätzt man offt manchen mann
 28 Den gott doch kent / vnd lieb will han
 29 Mancher vff erden würt geert
 30 Der noch sym tod zůr hellen fert
 31 Eyn narr ist wer gesprechen dar
 32 Das er reyn sig von sünden gar
 33 Doch yedem narren das gebrist
 34 Das er nit syn will das er ist

21 sy GW5046 GW5047] fyg GW5041 23 denn GW5046 GW5047] den GW5041 27 schätzt
 GW5046 GW5047] fchetzt GW5041 33 yedem] yedm GW5046